

## 2 PEDRO

# Biek numiim hēsap Pedroou p'ã deepłitarr

**K'aíu p'ájí maimua chijä k'ΛΛN hat'eeta p'ájí.** ChamΛjä hīchab jöoi Simón Pedroouta p'ájim. Warrcha comenzaabaadēwe chan jaaua sim k'aíg deepäaigta mΛg hēsap p'ájí, mamΛ hōk'ar hoomaawai 3:1 gaaita “mΛg k'urau ya biek numí pam pārag hēsap p'ã deepłi chirΛm” ha sim. Mag sim haawai magan nacha hichdēu deepłitarr k'ΛΛnagpaita deeu deepłi sim, har 1 Pe. 1:1 gaai hichdēu jaau sim k'ΛΛnagma.

**K'an jawaag hají.** Pedroou hūwaai hamag mΛg hēsap p'ã deepłitarran, Hēwandam hiek jawaag maestronaan hanΛmjä sīi parhoob nem jaau nΛrrjēm k'ΛΛn dāi k'īir k'ap'Λ naaju haai nΛm ha jaaupäaig hajim haajem. Mak'ΛΛn maestronaan hanΛm k'ΛΛnau hamachdēupain hamauta tagam k'ΛΛn k'āaijā k'apcha nΛm haajeejim haajem. Hamau jaauwai parta hagpierraa wēnΛrraju haai nΛm hajim hanaabá. Cristo bēeju hanΛmjä sēuk'a par bēebamta nawe mag bēejujuk'am haajeejim hanΛm. Mag sēuk'a nem jaau nΛrrjēm gaaimua hāu chi hāk'a durrarr k'ΛΛndam k'ūgurgpimaau gauta ham wawijim.

ChamΛg carta gaai, Juanau dau t'ārjup p'āk'atarr k'ΛΛn gaai, maimua Judas gaaijā hagjō hamach t'umaam k'ΛΛnau mag Hēwandam hiek gaai t'Λwi parhoob nem jaau wēnΛrrarr k'ΛΛn dāi chi hāk'a durrarr k'ΛΛn k'īir k'ap'Λ haju haai narra jaau nΛm. Mag jaar mag nΛrrjēe harr k'ΛΛn nem t'Λnarrjō, Pedroou hich hēsap gaai jaauwai hīs hewag pawiajā hich jāgta t'Λnaaju hajim (3:3).

### Salud

**1** <sup>1</sup>MΛΛn Simón Pedroou, hich Jesucristooucha hich hi jaaumk'īir jΛr hautarr; muata pārag mΛg hēsap p'ã deepłi chirΛm, pāraujā maach hich Jesucristooucha jΛr hautarr k'ΛΛnau hāk'a nΛm hiekpaita hāk'a naawai. Pārau mag hāk'a nΛmΛn, maach Hēwandam hanaa maach peerdΛ haaujem Jesucristo t'umaam k'ΛΛn dāi nem hagcha haajeewai, hiwiir hābam k'ΛΛnagpaita mag hich hiek hāk'apim k'ōsi k'aba, t'umaam k'ΛΛnagta hagdaujō hāk'apim k'ōsi haajeewaiu. Magua maach hich Jesucristo dāicha wēnΛrraajerr k'ΛΛn k'aibag chugpatarrjō pāar maar k'āai hēudeecha hāk'atarr k'ΛΛn k'aibagjā hichdēuchata chugpatarr haawai, maach t'umaam k'ΛΛn honeg hābata nΛm, hābam hiekta

hłk'a naawai. <sup>2</sup>Päär kōit jēu chiraaajem, jāg pāachdēu warag Hēwandam k'aug wētum dāi maach Pör Jesujā k'ap'łcha paauk'amam gaaimua hłu pāar dārrcha heeg hoonaa pāar k'ōinaa p'ē wai sēm k'īir.

**Dichdēu hłk'atarr hiek gaaita warag hubł paauk'amaju haai nłm**

<sup>3</sup>Hēwandamaun maachig chadcha hich hiek hłk'a nłm k'łłnjō hich hat'eepai nem hajap'ł wau wēnłrrajuuta k'ap hapim k'ōsi sim. Magaag hat'eyan hich hiiu haawai maadēu nem higju t'um warre k'īir k'aug sīubarmjōta hajim: Nacha maachig Cristota hajap'ł k'ap'ł hapijim, har hichdēu nem hajap'am happai waunaa hich hajaugjā hoopi nłmua maach hichig paa hautarr hag Cristo.

<sup>4</sup>Cristo hich mag sim gaaimuata Hēwandamau maachigjā k'ap'ł hapi sim, jāga młg hatag paawai maachjā hichjō nłsijju; mag hichjō hajaug paauk'aju k'īirjugjō chan tag k'īirjug hajap'am chuk'um. Magta maachjā warm k'łłnjō k'aibag waum k'ōchgau warag heeg paauk'amatarra hłu Hēwandamau maach peerł haujim, magbarmua młg hatag paawai hichjō hajaug paap'łwi hich dāi wēnłrramk'īir.

<sup>5</sup>Maguata muan pāragan, pāachdēu hłk'a nłm hiekta warag hogłba t'āraucha hłk'anaa Jōoi dau na hagchata wēnłrrat ha chirłm. Mag hi dau na hagcha wēnłrranaa k'īirjug paraa haajeet, k'ani Hēwandamau waupim k'ōsi sī maimua k'ani waupiba sī. <sup>6</sup>Mag k'īirjug paraanaa pāach k'īirjug hee nem k'aigbam wauju k'īirjug bēe nłm waum k'ōchgau p'īrir t'łnaawiajā hoob magłm k'īirjugta warag pāach gaai hłrpapimiet. Magju k'āai magłm k'īirjug dich garmuata mag pōdp'łp'łik'am dāi, p'it'urg hauwiajā, sīi k'īuta jłmp'łp'łi habat. Mag sīi k'īu hāwatp'łp'łik'am dāita Hēwandam dau na nem k'aigbam waujujā hōk'ōnaa hi dawagaam nempaita waubat. <sup>7</sup>Magna dichjō Hēwandam hiek hłk'a durrum k'łłnjā k'a k'ōsinaa bigaaum k'łłnjā t'umaa daupii habat.

<sup>8</sup>Cha młchdēu pārag jaau chirłmjō, chadcha mag hajap'ł wau nłmuata warag pāachdēu hłk'atarr hiek gaai hubł paauk'amamłn, magan pāar serbiibajā k'aba, ni sīi parta maach Pör Jesucristo k'augjierramjā habaju.

<sup>9</sup>Mamł har mag hłk'atarrjā magłm nem hajap'am wauju hēk'aba haawai k'īirjug bāaubamjō sim woun chan, sīi dau k'īsu wa dausī warpp'ł nem hoo nłm k'łłnau wajap nem wauju k'augba haajemjōta sim, hich pekau hee nłrraajerrta hłu maach Pör Hēwandamau hich k'aibag chugpaatarrijā k'īirjuba. <sup>10</sup>Cristo gaaimua k'odamnaa, mag Hēwandamau pāar hichdēucha jar hauwi hich dēnk'ł hautarr haawaita hi dau na mag nem hajap'ł wau nłmta k'ajap'am bēnjō hidēu pāach gaai t'īerrpapibat. Magta nem hajap'am happai wau nłm chan, meperau k'ujłrchēwiajā, pārau pāach hłdłłr deebaju. <sup>11</sup>Pārau magta hamłn, maach peerł hautarr hanaa maach Pör Jesucristo haar barimam hedjā hirua pārag "Päär hłu bēejim" hawi, hich mag hich durr hich dāi hajap'ł p'ē wai sīsijju.

<sup>12</sup>Chadcha maach peerłłajem hiek pāachig jaautarr pārau hłk'awi hag hiek gaai hubł nłm hawiajā hichiita cha młchdēu jaau chirłm hiek'an płaba hich jāg pārag jaau wai chitaju, k'īir heyaa wai wēnłrramk'īir. <sup>13</sup>Mua k'īirjuawai młłta hłu hagt'ł hiiu płłrba chitłm haiguin hich jāg pāar wawí hiek'ł chitaju

haai chiram. <sup>14</sup>Maach Pör Jesucristoou mächigcha jaauwai hi hiek ya mλ pöm chitabaju haajem. <sup>15</sup>Maguata mäch meeju nawe mua pärag hajap'a k'ap'λ hapiju hēk'la chiram, maagwai ya mλ meebaadēwajā mag mächdēu päach wawitarr hiekta k'iir heyaa wai nλisimk'iir.

### Hich Jesuucha jλr hautarr k'λλnau chadam hiekta jaau wēnarrarr

<sup>16</sup>Ya mua mäch k'apeen haggjō hich Jesuucha jλr hautarr k'λλn dāimua pärag jaaujim, jāga maach Pör Jesucristo jua t'eeg sierrá, maimua jāga deeu hi bēeju. Jāg marau pärag nem jaau nλm chan sī sēuk'a maach k'iirjug heepaim nem hīgk'aa k'abam. Maran maachta maach Pör Jesuu hich dāi Hēwandam durrsi gaai p'ē harrtarr haawai maraun maach daúacha hi jua t'eeg hoowi hi hajaugjā maach daúacha hootarr haawaita mag hi jaau nλm. <sup>17</sup>Maar dak'iir hajim Hēwandam chi Hayau hich Hiewaa k'iir hajaugau sī bλλmjō hapiwi hich Hēwandam t'umaam k'λλn k'āai hλgλλcha sierramuata hi higwi jλλnt'umiejō bau wējōm heemua, “Chamλλta mλ Hiewaa, mächdēucha jλr hautarr; hiita mλ t'ārau” ha hiek'atarr. <sup>18</sup>Hich mag hed mag Hēwandamau hich juapá hoopiewai, maachta maach Pör Jesús dāi mag durrsi gaai narr haawai, mag hedjā heemua woun hiekjō hiek'abarmjā maach jλgλuchata marau hūrjim.

<sup>19</sup>Mag, warrgarwe Hēwandam hi jaaumienau bēeju jaaujerr wounta chadcha marau maach daúacha hootarr haawai marau k'ap'λ nλm, chadcha tagam nem hamau jaaujerrjā hag hee hōbērju. Mua k'ap'λ chiram, pärau jā haggjō hamau jaaujerr hiek k'ap'λ nλm; mag Hēwandam hiek hamau jaaujerran hīs hewag pawijā k'iichag hee hōtdau paa dλnλmjōta sim. Mag hōtdaujō siēwai, hag bλg hoo nλmjō Hēwandamau k'ōsimjōta wēnarraju haai nλm, Cristo chi hedp'err garm p'īdag dλnλluchē nλm hora. Mag hich dλnλlubaichēm hedta, hedau hāspa t'λnλisiewai hag bλg nem hoo nλmjō, maach k'iirjugjā haardλbaadeewai warrgar Hēwandam hi jaaujerr k'λλnau p'ā pλatarrjā t'umaa k'ap'λ nλisiju.

<sup>20</sup>Magua k'ap'λ habat: Hēwandam hiek hichdēucha hich hi jaaumienag hichdēu nem wauju jaaumamua p'āpitarr chan hābmuajā hichdēu k'iirjuawai magjōo habaawai sī hich k'ōchagpierr jaaju k'aba sim. <sup>21</sup>¿Jāgwi? Warr p'āawaijā hich Hēwandam Hak'arau jaaumamta p'ātarr haawaima. Hēwandam hi jaaumienau bλλrjā sī hamach k'ōchagpierr p'ām k'ōchgauta p'ābajieram. Hamaun hich Hēwandamau hamachig k'iirjug deemampiertra p'āmaajeejim.

### Chad k'abam hiekta jaaujem k'λλn

(Jud. 4-13)

**2** <sup>1</sup>Cristo gaaimua k'odamnaan, hich jāg warr jōingarwe hīchab maach jōoin p'ōbör hee Hēwandam hi char k'abamta jaaujerr k'λλn paraa harrjō, mag hatagjā maestronaan hanλmta päar hee sēuk'a nem jaau nλrjēem k'λλn paraa haju. Mag nλrjēemλn sī chadam hiekjōo nem jaau nλmuata hōrau hamachdēu maach peerdλajem hiek hλk'a narrjā hisegpi nλmua warag hōor k'aibag wau wēnarraju. Mag sēuk'a wēnarrλmua maach t'umaam k'λλn peerdλju hayaa

hamk'tiir maach Pör Jesuu hich t'öopitarrjã chad k'abajim ha jaau narrijee haju. Mama hinaata ham jäg wënarram, Hëwandamau degölp ham gaai mas hab k'aba mas haju. <sup>2</sup>Hamau mag nem jaau wënarram hürwi, chi h'lk'aajerr k'alan k'apan ham higar wëtwi, hamau nem k'aigbam wau nampa d'li parhooba hamachdëu ham haig haju. Mag h'lk'a nam hanam k'alanpa mag t'anam gaaimua, mag chadam hiek maach peerdajem hiek higwiata woun hëugarmjõ k'aigba hiek'amamua, "Chadam hiek k'abam h'lk'a wënarraawaita mag hamachdëu h'lk'a nam hanamjõ k'aba namgui" haju bigaam k'alanau. <sup>3</sup>Jäg pärag jaau wënarram k'alan s'ii p'atk'on hat'eepai b'ie s'isid haawai, mag chad k'abam nempa jaau wënarramua päar k'ügurnaa päar jua heem p'atk'onpa haumaju. Mama hamach mag wënarram paar ham dau haug waupijuun, ya nawe Hëwandamau jaau wai sim haawai ya chadcha ham gaai mas haju dakpamam.

<sup>4</sup>Ham k'äai hich chognaan h'agt'ar hich d'li häba naajerr k'alanjä hirua perdonabajim haajem, pekau hee burrwai. Perdonaju k'äai warag hich haarmua k'ime durr bark'lip'liwi hich mam k'ichag heeta cadenau j'lk'a wai sim hanaabá, hichdëu mag durr hi hagk'am hed "Mam hich mag n'isiju" hamachigcha jawaag. <sup>5</sup>Ni warrcha hichdëu mag jëb hompaawai hag gaai h'ichab h'oor paarpapitarr k'alanjä hacha hich dak'tiir pekau p'oma hap'obaadeewai Jöoirau perdonabajim hanaabá. S'ii warag d'ohäd p'om bëepiwi, mag durr t'üpp'liwi, h'oor hamach k'aibag hee t'anarr k'alan t'umaa h'ödubp'lijim haajem. Häba ochopaita peerdatk'ajim hanaabá, jöoi Noé hich h'ali d'li maimua hich chaain seis narr k'alanpai, hich mag jöoirauta hich paarmua deum k'alanagjä hich d'enjõ hajap'a Hëwandam dau na nem waupi jaajerr haawai. <sup>6</sup>Hëwandamau h'ichab p'öbör dau numí narrjä hörp'liwi warre k'arr mep'örr happaita bau joppijim hanaabá. Mak'alan p'öbör Sodoma hajim haajem, Gomorra d'li. Hëwandamau ham d'li magtarran, hamach mag k'aigba t'anarr gaaimua hewag pawiajä hich mag nam k'alan hich hagjõ k'aigba haju t'umaam k'alanag k'ap hamk'tiir hajim. <sup>7</sup>Mama warm k'alan d'li magtarra, jöoi Lodjä hich dau na hajap'a k'itarr haawai, Hëwandamau hi dau haug k'augwi ham d'li p'aap'liiba, h'lu k'aigpër haujim haajem, warm k'alanau hich daar mag nem k'aigbam wau namjä ham d'enjõ haba haajerr haawai.

<sup>8</sup>Mag, jöoi Lod d'li ham hee sierrjä, hamjõ k'aba, s'ii mag hed hëepierraa hamau nem wau t'anamjä hoonaa ham parhooba hiek'a t'anamjä hürwi warag gaai machaagata haajeejim hanaabá. <sup>9</sup>Magua, har hich hat'eepai nem wau nam k'alanpa maach Pör Hëwandamau hoowai pekau hee burrijõõ haadëp haawain, hichdëuta h'lu k'aigpër haajem. Mama k'aigbam k'alan deeu hich bëem hed mag durr hi hagk'awi warag ham k'aibag wawaagta s'ii p'ë wai sim. <sup>10</sup>Har jäg t'um hamach k'öchagpierrta nem waum k'ösinaa Hëwandam jua t'eegjä högk'aba haajem k'alan gaaita h'lrcha Hëwandamau mas hab k'aba mas haju. Jäg pärag s'ëuk'a nem jaau nam k'alan jäg k'ichagnaa k'tiir nagjä chuk'uta s'isidam. Maguata leinaan hamach k'äai jua t'eeg s'isidam k'alan higwiajä warag ham serbiibag p'ëmaajem. <sup>11</sup>Ham k'äai

Hēwandam chognaan jua t'eeg hārpainaa hiek t'eeg sīsidam k'ʌʌnaujā jūrr ham dēnjō leinaan hēugar mag k'aigba hiek'aba haajem.

<sup>12</sup>Maach k'apeen jāg hiek'aajem k'ʌʌnan sī nemchaainjōta t'ʌʌm, bʌʌrjā k'īirjugjā chuk'u. Maguata nem hinag pōd hamachdēu k'augba haawaijā warag parhoobata hiek'apʌimaajem. Jāgam k'ʌʌnan hamach mag nam gaaimua hamachdēupaita Hēwandamag hamach mod hamk'a namjō naawai, sī nemchaain hōtpaanaa k'eechjemjōta haju Hēwandamau ham dāi, <sup>13</sup>hamachdēujā hamach k'apeendam dau hap'ʌʌ hapiejerrjō. Hamachigan honee nam hanam, jāg hamachdēu k'ōchagpierr hat'uucha haawai. Pāar dāi p'iesta wauwai t'ach bipōm k'ōnaa dōjā dō nam gaaimua k'ēch t'ʌʌʌisip haawai, pāachta wajak k'īir naau naabahab, hōor daar jāg nam gaaimua. Pari mag pāar k'īir naau nam chan ham gaai mas k'aba, sī warag honee nam, hamachigan pāar dāi nem hagchata wau nam hanamua.

<sup>14</sup>Hamach mag naawai, hʌʌin hoowaijā warre hag dāi k'āiju k'īirjugta k'īirjuajerram, mag pekau wauha hak'imjā haba. Mag naawai Hēwandam hiek gaai hubʌ k'aba k'it'ēem k'ʌʌnagjā hamach dēnjōta waupiju hēk'aajerram. Mag sīsidamʌn hīchab Hēwandamau nem k'ōch k'abam hat'eeta warppa sierrjēem. Jāgam k'ʌʌnan ya sī hich Hēwandamau hisegju k'ʌʌnau. <sup>15</sup>Hamach mag t'ʌʌm gaaimua ya chi hok'oomta t'ʌʌm, Hēwandam haarcha hōbēraag nem waju k'ap'ʌ narrta sī hamach k'ōchagpierr wēnʌrraawai. Warr nawe haajeewai Beor k'ararr hiewaa Balam chi Haai hi jaaumieu harrjō, parhooba nem k'aigbam wau nam gaaimuapata p'atk'on hauju hēk'aajerram. <sup>16</sup>Pārau k'ap'ʌ nam, Balamau hich hiek hūrba habaawai, Hēwandamau burroogta hirig hiek'apibaawai, hich nemchaafupai Balamag woun dēnjō hiek'ajim, Hēwandam hichaur nem waum hig sierr waupimaauaugau.

<sup>17</sup>Pāar hee mag maestronaan hanam k'ʌʌnan, sī noseg cheegpamjō hedjā k'ī t'ʌʌnarrta p'ūu haaisirbapāaiwai chēba sī hōor k'ūgurpāaijemjōta sierrjēem, chadam hiekjōo jaau namta sī sēuk'a wēnʌrraawai. Wa magba, jāgam k'ʌʌnan sī dōsīg chaai jʌʌbaadēmjōta sīsidam. Mamʌ hamach mag nʌrrjēem gaaimuata, meewaijā Hēwandamau k'īchag hee bark'ʌʌipʌiwi hich mampaita wēnʌrrapiju, hōbēraajā k'augba. <sup>18</sup>Hamau mag nem jaau wēnʌrram hūurwain chadcha nem hūrimagma; mamʌ mag jaau namʌn sī parhooba dau lōkōo hamach nem wau wēnʌrrarr jaau namuata hōor k'ūgur nam. Mag namuata hamach k'aibag pʌawi heeu hʌk'awi hag't'a Hēwandam hiek gaai hubʌ k'aba k'it'ēem k'ʌʌnjā hamachig paa hauwi hūwaai hārpʌimaajem. <sup>19</sup>Mag namta hi wajaugan, “Maar hiek hʌk'ak'iin, tag chik'amnauta pārag nem jajaau haba pāachdēupaita pāach k'īrau nem waju” ha jaau sierrjēem. Mamʌ mag namʌn hamachjā mag hamachdēu nem parhooba hamach k'ōchagpierr nem wau namuata, woun hamach k'āai hārpai sim dēnjō p'ēt'ag wai namta mag ham chan chik'amnaan chognaan k'abam haajem. Pari pādē hūrbat: Maata pārau hārchā waum k'ōchk'aajem k'ai, magan maata pāar k'āai hārpai simjō sīewai maguata pāran woun dēnjō hich chogk'a wai sim. <sup>20</sup>Har maach Pōr hanaa maach peerdʌajem

Jesucristo k'augwi hamachdëu nem k'aigbam waaunjerrjã hisegpãwi hãu hajap'a nãisierrta, deeu hũwaa warram k'iirjug k'aigbam hauwia magamagta hadaraa hamach hãrpapiewain, warr Cristo k'augba haajeewai hamach naajerr k'ãaijã warag hat'uuchata nãisiejem. <sup>21</sup> Jãgam k'ãnanau warrjã mag k'ãdau chaar hich Hẽwandam haar mapiejem hiek hũrbamuan, hajapcha hak'am, jãg sũ k'ũchpai hãk'awi tag hich Hẽwandamau jaau simjã wauba parta hãk'aju k'ãai. <sup>22</sup> Jãgam k'ãnan, hõrau jaajem hiek'õoin, saakiu hich chãgappaita deeu k'õbaimamjõ nam. Wa magbam k'ai, k'ũs hajap'a domeerpinaa siubarm bãrre deeu hich k'at'ajemeerjem hee pãarbaba k'abaimamjõta sisidã, Hẽwandam hiekta hisegwi warr hamachdëu nem k'aigbam waaunjerr heeta deeu nãisiewai.

### Cristoon bëeb k'aba bëeju

**3** <sup>1</sup>Keena, Cristo gaaimua mãchdëu pãar k'õsi chitaawai mag k'urau ya biek numí pam pãrag hẽsap p'ã deepãi chirã. Hich mag gaaijã napem gayamjõ pãar wawí chirã, nem hagchata k'iirjumk'iir. <sup>2</sup>Pãrag k'iir heyaa hapim k'õsi chirã, warrgarwe Hẽwandamau hich hi jaaukm'iir jar hautarr k'ãnanau jaaujerrta k'iir heyaa hapi chirã. Mag nam dãi hichab hich maach Põr hanaa maach peerdajem Cristouucha jaau paawi jũrr maach hichdëu jar hauwi pãitarr k'ãnaucha pãachig jaautarrta hagjõ k'iir heyaa hapim k'õsi chirã.

<sup>3</sup>Hajap'a hũrbat cha mua jawaagpam. Mag hatag paawai magta t'ãnãisiju: Ya Hẽwandamau mag durrr hi hagk'aju gayaa paawai hõrau hamachdëu nem waum k'õchagpierr parhooba nem k'aigbamta waum k'õchk'anaa chi hãk'a durrrum k'ãnjã wau hiek'aa neeme sisid haju. <sup>4</sup>Mag chik'am wau hiek'amamua hamau, "Pãar hiek mag Cristo deeu bëeju hajim hanãmta, çjãga jãg bëeba k'iir waaurdabaadëma?" haju. "Bëeba nam hee ya maach jõoinjã hõdubjim; magamjã barchëbam. Warr Hẽwandamau mag jëb hompaatarr haigmua t'um chigjã haba hich magpai sim" haju, chik'am wau hiek'amamua. <sup>5</sup>Mama jãgam k'ãnanau chan warrgarwe Hẽwandamau hich hiiuta mag jëb hedaujã dãi hompaatarrjã hãk'amap'a nam. Hamaun hĩsjã hagt'a warrgarmjõta simpii nam. Hamau hãk'amap'a nam, dõjã happai pãark'oo wëjorr heemuata jãsgjã hõbeerpi hauwi hich hag dõoupaita mag jëb gaai nem t'ãnamjã t'um hãu hiiu wai sãpitarr. <sup>6</sup>Ham hiek mag nem t'um hich hagt'a maach dau chaauraajã k'aba sim hanã, magan Hẽwandamau dõhãd põm pãwi hich hag dõoupai mag durrr gaai nem t'ãnarr t'um k'ëchpãitarrjã çk'an hajimma? ¿Magtarr chan bãarjã cambieba harrpã? <sup>7</sup>Mama cha maadëu hedau hoo nam dãi cha maach bã dãnãu nam jëb chan maagwaimjõ deeu dõhãdauta hãrppãig k'aba, hich maagwajã hich hiek'auta magpierrjõ hõtdaúa jëraagta sũ wai sim Hẽwandamau, hichdëu mag durrr hi hagk'awi hich dau na k'aigba wãnãrrajerr k'ãnan hich mag dau haug wau wãnãrraju jaubarm hedta jũrr hõtou deepãig.

<sup>8</sup>Mag nam dãi pãadë k'iir heyaa habat keena. Mãchdëu pãar jãsene chitaawai pãrag paaba jaau chirã: Mag hi da bëebam hawia hoob hi nãba hamiet. Maach Põr Hẽwandamagan mag k'ãai hãb k'ëubaadëman, mil

añosjōta sim; maagwai mil años jūrr k'āai hābpaimjōta sim. Maachigta da bëeba sim, pari hichigan hatcha jōp'ëe sēwaita nλ sim, hōrag hich hiek hāk'amk'īir. <sup>9</sup>K'ar hōrau jaaujemjō mλg hi da bëeba sim chan mag hichdēu nem magju hatarrjā hāsie wauba haajeewai k'abam. Jāan hichdēu hiwiir hābjā hok'oopimap'a sēwai hich bëe nλm hora t'umaam k'λλnau hāsie hamach k'aibag hisegwi hichig chugpaapi jēumk'īirta jāg da bëeba sim.

<sup>10</sup>Mamλ jāg sīi hawia hich bëem hedan dēgōlp hōrau nem jīgk'abaichēmjō dēgōlpta dλnλλuchēju. Magbaawai hedjā hee maach jāp'ierraa hλrλrλλmjō hat'amua warre hedaujā chukk'u haadēm dλi hedjā hee nem nλnλidλmjā t'um hōtdaúa bλλudubwi chugpaju. Magbaadeewai mλg jēbjā hīchab hag gaai nem t'λnλm dλi t'umaa juau nem waumatarrpa p'aadubwi chukk'u hap'λiju hich Hēwandamau.

<sup>11</sup>Keena, hichdēu hōor hi hagk'am hed mλg durr gaai magta haju k'ap'λ naawai, hi dau na hichdēu k'ōsi simjō hi hat'eepai nem waunaa hāba hirigpaita hee haju haai nλm. <sup>12</sup>Chadcha Hēwandamag pāach hawaan bëepim k'ōsita hi bëeju nλbat. Hi mag jōpai bëemk'īir, hichdēu k'ōsimjōta habat, bigaaum k'λλnagjā hi k'augpiju hēk'a nλmua. Mag pierrum hedan, hedaujāan hag hee nem t'λnλmjā dλi warre hōtk'ierr pechgau bλλumaju. <sup>13</sup>Chadcha magjup mamλ, maach chi hāk'a nλm k'λλnagan, Hēwandamau hedjā hiiur dλi jēbjā chi hiiurta deēju ha sēwai, haata nλ nλm. Mag durr hiiur gaai chan mλg durr jōoi gaai haajerrjō k'aba, nem t'um t'λnλmjā hajaugnaa t'umaam k'λλnau nem hagchata haajeēju.

<sup>14</sup>Cristo gaamua k'odamnaa, maguata muan pāragan Hēwandamau mag maachig durr hiiur deēju ha sim hed pa nλm hora, pekau chuk'u wēnλrrajuuta hēk'anaa t'umaa k'ōinaa wēnλrrat ha chirλm, maagwai dēgōlp hich dλnλλubaicheewaijā pāach hajap'a nλm hoochēm k'īir. <sup>15</sup>Mag nλm dλi hīchab chaig machdēu jaau chirarrjō k'ap'λ habat: Jāg maach Pōr Hēwandam da bëeba simλn, hich bëeju nawe hich hiek hāk'awia hλu peerdatk'amk'īirta jāg da bëeba sim. Hich mag hiek higwi maach k'od jōoi Pablooujā hich hagjō ya pārag jaaup'λijim, hichdēu hēsap p'ā deep'λitarr gaai. Jāg hirua pārag jaaup'λitarran, hīchab hich Hēwandamau hirig k'īirjug deetarrauta pārag jāg p'ā deep'λijim, k'ap hamk'īir. <sup>16</sup>Hirua hēsap deep'λimarr gaai pogk'a nem jaau sīsidλm chadcha p'it'ur sīsidλm, k'ani jaau sī ha k'ap Haag. Mamλ hichdēu hēsap p'ā deep'λp'lik'ampierr ya hirua pārag jāga wēnλrraju haai nλ ha jaauwi sim, mag deeu maach Pōr Jesucristo bëeju haawai. Mag hirua nem jaau sim pogk'a p'it'ur sīsidλm haawaita, chadcha meraam k'λλnaun maimua mλg hiek hamachdēu hāk'atarr gaai hubλ k'aba nλm k'λλnaun warag chaurta jaaujem, tagam Hēwandam hiek p'āk'a sīsidλm hamachdēu parhoob jaaujemjō. Mamλ hamau Hēwandam hiekta jāg parhooba jaau nλmλn, wir haig hamach k'īirauta Hēwandam jua machag jλr wēnλrrλm.

<sup>17</sup>K'odamnaa, mag maestronaan hanλmta sēuk'a nem jaau nλrrjēe haju k'λλn bëejujā ya mua pārag hag nawe jaautarr haawai pāach heejā magju

nawe k'iir k'ap'Λ habat. Jāk'ΛΛn hōor k'aigbam k'ΛΛn k'abahab, hamach jāg nΛrrjēem gaaimua. Magba hak'iin heeu jāg parhoob nem waunaa parhoob nem jaau jēedΛ sierrjēem k'ΛΛnau pāach k'ūgur hamachig paa hauwia pāachdēu hāk'atarr hiek gaai hūu hubΛ narrta deeu hewag wētduk'am. <sup>18</sup>Magju k'āai maach Pōr hanaa maach peerdΛajem Jesucristota hajapcha k'ap'Λ haju hēk'a nΛmuata warag pāachdēu hāk'atarr hiek gaai k'iirjug bāauju hēk'abat. Hichta hich mag chi jua t'ierrk'a siewai mΛg hatag pawiajā hich mag hirigpaita t'umaam k'ΛΛnau hee hapim k'ōsi chiram.

MΛgdampai hajim pārag jaaurāim hig chirarr.

Pedro